

CUMU CAMPANU ?

U mudellu di l'apa chì campa in culunia maiò ierarchizata incù operaie è una regina ferma cumunque isolatu.

A grande maghjurità di e spezie sò sulitarie. Li burdoni è qualchi Halictidae sò e sole ape for di quella melifera à campà in culunie più o menu cumplesse.

Ind'a maiò parte di e spezie, a femina hà da costrui u nidu sola, arricaci à macu, dipone l'ove è richjode cù attenzione. Òn ci hè nisgiuna cura parintale.

Si pò vede monda varietà di sorte di nidi : e spezie sò à u più terricule (70%), si vene à di ch'elle scavanu bucheri* ind'a terra. L'altre sò dette cavicule è si tenenu nentru à galerie accunciate ind'u legnu, ind'è stigli caverunati o ancu puru ind'è chjoppuli di lumache. Alcune facenu nidi cù tramuntina*o terra, cum'è certe dinò chì sò parassiti d'altre ape. St'ultime quì sò chjamate « ape cucchi ».

QUALCHÌ ESEMPIO

U Xylocopa, chjamatu apa intepiadore, scava la so galeria ind'u legnu.*



Una Anthidiellum strigatum in traccia di confezziunà lu so nidu in rasgina.



Una femina di Nomada (« apa cuccu ») à l'ingressu di a tana d'un' antra spezia.



ÙN MICCA SBAGLIASSI INCÙ

E VESPE

À u cuntrariu di l'ape, e vespe ùn sò micca assai pilute è le so ale fermanu piegate in dui quand'elle sò poste. Eppuru partecipeghjanu anch'elle à l'impullinazione in più d'esse predaghje di bruchi è altri stirpadori di culture.



Polistes sp.

I SIRFIDI

Dinò chjamate « mosche travestite », i sirfidi sò ditteri. Sò mimetichi di l'ape è di e vespe, ben ch'essendu privi d'aghigliulu. Attori impurtanti di l'impullinazione i sirfidi portanu dinò assai aiutu à e culture vistu chì e larve di parechje spezie si nutriscentu di pilliccioni*.



Helophilus trivittatus

U PIANU TERRITORIALE D'AZZIONE IMPULLINISATORI

Dapoi unepoch'anni, l'Uffiziu di l'Ambiente di a Corsica (UAC), per via di lu so Osservatoriu Cunservatoriu di l'Invertebrati di Corsica (OCIC), s'impegna ind'è azzione à prò di l'impullinistratori. Cunduce è cuntribuisce à a messa in opera di u Pianu Territoriale d'Azzione 2021-2030 à prò di l'impullinistratori salvatichi è di l'apa melifera di Corsica.

Ind'issu quadru, l'OCIC si deve di migliurà e cunniscenze nant'à l'impullinistratori, in principiendu à fà un inventariu di a fauna corsa chì ghjè cusì pocu cunnisciuta, studii nantu a biulugia è l'eculugia di e spezie di manera à gisti le megliu, è po dinò azzione di furmazione è di sensibilizzazione.

Osservatoriu Cunservatoriu di l'Invertebrati di Corsica
Uffiziu di l'Ambiente di a Corsica
14 viale Jean Nicoli, 20250 CORTI

Cuntattateci puru ✉ ocic@oec.fr

Rializazione : OCIC 2021

Crediti ritratti : A. Cornuel-Willermoz

Traduzione : J.B. Filippi

conception | www.agencecorail.com



L'ape salvatiche Chì sò ?

Pianu Territoriale d'Azzione à prò di l'impullinistratori salvatichi è di l'apa melifera Regione di Corsica

Quand'omu ne parla, si pensa mele, bugni o puru culunie. Ghjè vera quand'ellu s'agisce di l'apa melifera. Eppure ùn ripresenta micca a glubalità di l'ape.

In lu mondu, omu si cunnosce quasi 20000 spezie sfarente di ape. In Francia si ne pò cuntà quasi una millaia.

ALLORA,
MA CHÌ GHJÈ UN'APA ?

L'ape sò insetti. Si vene à dì chì sò munite di duie antenne, quattr'ale è u so corpu ghjè cumpostu di trè partite (testa, pettu è addome). Più precisamente, elle, cum'è e vespe, e formiche o dinò i cynips, sò imenotteri individuati propriu da uncinetucci*chì anu à prupità di tene azzingate è solidarie, durante u volu, l'ale posteriore cù l'ale anteriore.

Omu si ricunnosce l'ape da lu so corpu di regula pilutu (à u microscupu, li so peli sò piumosi è micca lisci cum'è quelli di e vespe). A sapè dinò chì l'ape, cum'è li so polli*, si nutriscono esclusivamente di nettare è di polline allora chì e larve di e vespe sò predaghje d'altri insetti.

MASCI O ALLORA FEMINE ?

I dui sessi s'assumiglianu assai ind'è parechje spezie d'ape. Fermanu quantunque sfarenze tamante.

In prima locu, solu e femine pussedenu un achigliulu prontu à zingà, ben ch'agressività, pè u più, ùn ne appianu. Di più, e femine cantanu 12 segmenti à le so antenne è i maschi 13.

L'addome di e femine si cumpone di 6 segmenti, 7 per i maschi. Di e volte, e sfarenze sò di più percettibile à u livellu di i colori o di a forma cum'è per un dettu incù le *Eucera*.



Eucera maschi



Eucera femina

Lessicu corsu-francese

- > Pollu* = larve d'abeille
- > Tisgiu* = glabre
- > Bucheru* = terrier
- > Tramuntina* = résine
- > Intempiadore* = charpentier/ère
- > Uncinu* = crochet
- > Pilliccione* = puceron



IN CORSICA CUM'È IN FRANCIA, OMU SI PÒ TRUVÀ 6 FAMIGLIE D'APE

> L'Andrenidae

Cuntene un numeru impurtante di spezie (circa 200 in Francia). Sò tutte terricule è solitarie. Ghjè cumposta à l'ingrossu da dui generi : l'*Andrena* (cusi dette « Ape di rena ») è i *Panurgus*.



Andrena praecox
©Baptiste Dondaine

> L'Apidae

Rigruppa 280 spezie in Francia, ghjè a più diversificata. Riunisce e spezie le più cunnosciute cum'è l'apa melifera, li burdoni (generu *Bombus*), è assai altre. Si ritrova omu dinò una varietà tamanta, di taglie, forme, colori, gradi di suciabilità, modi di nidificazione ecc.



Bombus perezii

> I Colletidae

Si definisce in Francia cù circa 80 spezie, trà dui generi, e *Colletes* è l'*Hylaeus*. St'ultimi qui sò ape chjuculette quasi tiglie* cù tacche gialle specifiche in faccia. E *Colletes* si ricunnoscenu cù li so frisgi aspezzu assai spiccati.



Colletes hederæ
©Anne-Marie Vandam



Di più infurmazione

L'Osservatoriu di l'ape : oabeilles.net
Atlas Hymenoptera : atlashymenoptera.net
Prugettu UrbanBees : urbanbees.eu

> L'Halictidae

Conta circa 180 spezie in Francia piuttosto di forme è di colori simili è aspezzu certe sò chjuche è scure.

I generi principali sò *Halictus*, *Lasioglossum* è *Sphecodes*. A maiò parte sò solitarie eppuru qualchi spezia pò mostrà un certu livellu di suciabilità. I *Sphecodes*, di colori aranci, sò parassiti d'altre ape.



Halictus sp.
©Baptiste Dondaine

> I Megachilidae

Rigruppa 200 spezie in Francia assai diversificate.

E femine nidifigheghjanu nentru à galerie ind'a terra o ind'è u legnu, nentru à stigli vioti è di e volte ind'è chjoppuli di lumache.

Sta famiglia hà un modu unicu di raccolta d'amacu, postu chì a femina ghjè a sola à aduprà una spiletta ventrale.



Megachile sicula

> I Melittidae

Di tutte ghjè a più chjuca di e famiglie sottu à e nostre latitudine cù solu 15 spezie in Francia. Conta 3 generi : *Macropis*, *Melitta* è *Dasypoda*, terricule è ùn buttinendu aspezzu chè nant'à un solu gruppu di piante è forse ancu una sola spezia.



Dasypoda hirtipes
©Jelle Devalez